

## К ОПУБЛИКОВАНИЮ

### КОМИ РЕСПУБЛИКАСА ВЕСЬКӖДЛАН КОТЫРЛӦН ШУӦМ

**«Коми Республика мутасын чорыд коммунальнӧй шыбласьясӧн  
вӧдитчӧм серти дӧнму операторлысь уджалан правилӧяс да  
Коми Республика мутасын чорыд коммунальнӧй шыбласьяс чӧжан  
(сы лыдын найӧс торйӧн чӧжан) пӧрадок вынсьӧдӧм йылысь»  
Коми Республикаса Веськӧдлан котырлӧн  
2017 во лӧддза-номья тӧлысь 15 лунся 302 №-а шуӧмӧ  
вежсьӧм пыртӧм йылысь**

Коми Республикаса Веськӧдлан котыр шуис:

1. Пыртны «Коми Республика мутасын чорыд коммунальнӧй шыбласьясӧн вӧдитчӧм серти дӧнму операторлысь уджалан правилӧяс да Коми Республика мутасын чорыд коммунальнӧй шыбласьяс чӧжан (сы лыдын найӧс торйӧн чӧжан) пӧрадок вынсьӧдӧм йылысь» Коми Республикаса Веськӧдлан котырлӧн 2017 во лӧддза-номья тӧлысь 15 лунся 302 №-а шуӧмӧ татшӧм вежсьӧм:

Коми Республика мутасын чорыд коммунальнӧй шыбласьяс чӧжан (сы лыдын найӧс торйӧн чӧжан) пӧрадоксӧ, мый вынсьӧдӧма шуӧмӧн (2 №-а содтӧд), гижны тайӧ шуӧм дорӧ содтӧд серти.

2. Тайӧ шуӧмыс вынсялӧ сійӧс официальной йӧзӧдӧмсянь дас лун кольӧм бӧрын.

Коми Республикаса Веськӧдлан котырӧн  
Юрнуӧдысьӧс Медводдза вежысь

Э. Ахмеева

Сыктывкар  
2022 вося лӧддза-номья тӧлысь 2 лун  
264 №

Коми Республикаса Веськӧдлан котырлӧн  
2022 во лӧддза-номъя тӧлысь 2 лунся 264 №-а шуӧм дорӧ  
СОДТӐД

«ВЫНСЬӐДӐМА  
Коми Республикаса Веськӧдлан котырлӧн  
2017 во лӧддза-номъя тӧлысь 15 лунся 302 №-а шуӧмӧн  
(2 №-а содтӧд)

Коми Республика мутасын чорыд коммунальнӧй шыбласьяс  
чӧжан (сы лыдын найӧс торйӧн чӧжан)

## **ПӐРАДОК**

### **1. Панас**

1.1. Коми Республика мутасын чорыд коммунальнӧй шыбласьяс чӧжан (сы лыдын найӧс торйӧн чӧжан) тайӧ пӧрадокыс (водзӧ – Пӧрадок) урчитӧ Коми Республика мутасын чорыд коммунальнӧй шыбласьяс чӧжӧм серти (водзӧ – ЧКШ), сы лыдын найӧс торйӧн чӧжӧм серти, корӧмьяс да сийӧс веськӧдӧма гӧгӧртас да мортлӧн дзоньвидзалун вылӧ ЧКШ лӧка тӧдчӧмысь ӧлӧдӧм вылӧ, а сӧдзжӧ вторичнӧй сырьӧ пыдди овмӧсын ЧКШ выль пӧв вӧдитчӧм вылӧ.

1.2. Ӑпаснӧй, радиоактивнӧй, биологическӧй, медицинскӧй шыбласьясӧн, веществоясӧн вӧдитчан юкӧнын, кутшӧмьяс жугӧдӧны озон слӧйсӧ (случайяс кындзи, кор татшӧм веществоясыс лӧӧны прӧдукция юкӧнӧн, мый воштӧс ассыс потребительскӧй свойствояссӧ), Коми Республика мутасын атмосфераӧ лӧк веществояс шыбитӧм да ва объектъясӧ лӧк веществояс шыбитӧм серти йитӧдьяссӧ ладмӧдӧны Россия Федерацияса оланпастӧчасӧн.

1.3. Колӧ, медым Коми Республика мутасын ЧКШ чӧжисны (сы лыдын найӧс торйӧн чӧжисны) олысьяслы да гӧгӧртаслы лӧктор вӧчтӧг да колӧ, медым найӧс чӧжисны гӧгӧртас видзан юкӧнын Россия Федерацияса оланпастӧчас да олысьяслысь санитарно-эпидемиологическӧй бур оланног могмӧдан юкӧнын Россия Федерацияса оланпастӧчас серти.

1.4. Тайӧ Пӧрадокын вӧдитчӧны татшӧм кыввежӧртасьясӧн: торйӧн чӧжӧм (кос) шыбласьяс – ЧКШ сикасьяс, кутшӧмьясӧс потребительяс водзвыв юклӧсны ӧткодь шыблас сикасьяс (группаяс) серти, а стӧчджыка кӧ: бумага, картон, полимернӧй упаковка да (либӧ) пластмассаысь прӧдукция шыбласьяс, кӧни абуюсь галогеньяс, кӧртулов, стеклӧ, кутшӧмьяс туйӧны вторичнӧя переработайтӧм вылӧ, кутшӧмьясӧс абу нйитчӧдӧма сӧян-юан шыбласьясӧн;

сораса шыбласьяс – сикас серти абу юклӧм ЧКШ, сы лыдын кутшӧмьясӧс оз позь бырӧдны, сӧтшӧмьяс кыдзи: сӧян-юан шыбласьяс, потребительскӧй вузӧсӧн да упаковкаӧн вӧдитчӧмысь шыбласьяс,

кутшӧмъяс воштӧсны ассьыныс потребительскӧй свойствассьӧ да ныйтчисны сы лыдын сӧян-юан шыбласьясӧн, ас гигиена средствояс.

Тайӧ Пӧрадокын вӧдитчан мукӧд кыввежӧртасӧн вӧдитчӧны вежӧртасьясын, кутшӧмъясӧс индӧма Россия Федерацияса нормативнӧй инӧда актъясын.

1.5. Коми Республикаса уполномочитӧм олӧмӧ портысь власьт орган котыртӧ ЧКШ чӧжӧм (сы лыдын найӧс торйӧн чӧжӧм) серти уджсӧ аслас компетенцияын шыбласьясӧн вӧдитчан юкӧнын дӧнму уджтас, а сӧдзжӧ шыбласьясӧн вӧдитчан мутас схема серти (водзӧ – Мутас схема) Коми Республикаын муниципальнӧй юкӧнлӧн меставывса асвеськӧдлан органьяскӧд да Коми Республика мутасын ЧКШ вӧдитчӧм серти дӧнму операторкӧд ӧтув уджалӧмӧн (водзӧ – Дӧнму оператор) Россия Федерацияса оланпастӧчас да Коми Республикаса оланпастӧчас серти.

1.6. Коми Республикаын муниципальнӧй юкӧнлӧн меставывса асвеськӧдлан органьяс участвуйтӧны ЧКШ чӧжӧмсӧ (сы лыдын найӧс торйӧн чӧжӧмсӧ) котыртӧмын Россия Федерацияса оланпастӧчас да Коми Республикаса оланпастӧчас серти.

1.7. Тайӧ Пӧрадоклӧн корӧмъясыс паськалӧны юридическӧй кывкутысыяс да торья йӧз вылӧ, кодьяс лоӧны Коми Республика мутасын да (либӧ) збыльмӧдӧны кӧть кутшӧм сикас удж.

## **2. ЧКШ чӧжӧм дорӧ ӧтувья корӧмъяс**

2.1. Коми Республикаын муниципальнӧй юкӧнъяслысь мутасьяссьӧ колӧ пыр весавны шыбласьясысь экология боксянь, санитарнӧй да мукӧд корӧм серти, кутшӧмъясӧс урчитӧма Россия Федерацияса оланпастӧчасӧн да Коми Республикаса оланпастӧчасӧн.

2.2. Россия Федерацияса оланпастӧчаслӧн да Мутас схемалӧн корӧмъяс серти ЧКШ колӧ чӧжны (сы лыдын торйӧн чӧжны) шыбласьяс чӧжан иньясын (площадкаясын), кутшӧмъясӧс индӧма ЧКШ вӧдитчӧм серти услугаяс сетӧм вылӧ сӧрнитчӧмын, кутшӧмъяс лӧсялӧны олысыяслӧн санитарно-эпидемиологическӧй бур оланног юкӧнын Россия Федерацияса оланпастӧчаслӧн корӧмъяслы, да нуны (транспортируйтны) Мутас схемаын индӧм объектъясӧ, кутшӧмъясӧн вӧдитчӧны шыбласьяс обработайтӧм, бырӧдӧм, лӧк вӧчӧмысь дугӧдӧм, меститӧм могысь.

2.3. ЧКШ вӧдитчӧм серти услугаяс сетӧм вылӧ сӧрнитчӧм серти потребительяс чӧжӧны (тӧчӧны) ЧКШ, сы лыдын уна патераа керка йӧрьясын, татшӧм ногӧн:

а) контейнерьясӧ, кутшӧмъясӧс меститӧма ӧг примитан камераясын (сӧк, кор эм лӧсялана керкапытшкӧсса инженернӧй система);

б) контейнерьясӧ да (либӧ) бункерьясӧ, кутшӧмъясӧс меститӧма контейнернӧй площадкаяс вылын, кутшӧмъясӧс оборудуйтӧма тайӧ Пӧрадоклӧн 7.1 – 7.5 пунктъяслӧн корӧмъяс серти.

2.4. ЧКШ вӧдитчӧм серти услугаяс сетӧм вылӧ сӧрнитчӧм серти сад вӧдитан, град выв пуктас вӧдитан, абу коммерческӧй дачнӧй ӧтувьяслӧн,

ас оланін стрөитан да гараж стрөитан кооперативьяслөн мутасьясын потребительяс чөжоны (тэчоны) ЧКШ татшөм ногөн:

а) контейнерьясө да (либө) бункерьясө, кутшөмьясөс меститөма контейнерной площадкаяс вылын, кутшөмьясөс оборудуйтөма тайө Пöрадоклөн 7.1 – 7.5 пунктьяс серти;

б) Дінму операторөн сетөм пакетьясө либө мукөд дозийө.

2.5. Öтув вөдитчан мутасьясын ЧКШ чөжоны Муниципальной юкөнлысь мутас бурмөдан правилөясын индөм иньясын меститөм урнаясөн вөдитчөмөн.

2.6. Коми Республикаын меставывса асвеськөдлан уполномочитөм органьяс индөны ЧКШ чөжан иньяс (площадкаяс) меститан схемаяссө да нуөдоны ЧКШ чөжан иньяслысь (площадкаяслысь) реестрө Россия Федерацияса Веськөдлан котырөн вынсьөдөм правилөяс да ЧКШ вөдитчан юкөнын Россия Федерацияса мукөд нормативной инөда акт серти.

2.7. ЧКШ чөжоны ЧКШ чөжан урчитөм иньясын (площадкаясын) тайө Пöрадокөн урчитөм ногьясөн.

2.8. ЧКШ недыр кад чөж чөжан кадколастсө индөны олысьяслөн санитарно-эпидемиологической бур оланног юкөнын Россия Федерацияса оланпастэчаслөн корөмьясын.

2.9. Дінму оператор, ЧКШ вөдитчөм серти операторьяс ЧКШ нуан тшөкыдлунсө индигөн кутчысьоны олысьяслөн санитарно-эпидемиологической бур оланног юкөнын Россия Федерацияса оланпастэчасө.

2.10. Шыбласьяссө, кутшөмьясөс перйөма контейнерьясысь, бункерьясысь, дозьясысь да ёг проводьясысь водзө транспортируйтөм могысь, контейнерной площадкаяс вылын сикас серти юклыны оз позь.

### **3. ЧКШ торйөн чөжөм**

3.1. Коми Республикаын меставывса асвеськөдлан органьяс, Дінму оператор, ЧКШ вөдитчөм серти операторьяс котыртөны ЧКШ торйөн чөжөмсө потребительскөд кырымалөм сёрнитчөмьяс серти Дінму операторкөд, потребительскөд, овмөс нуөдысь субъектъяскөд сөгласуйтөмөн Россия Федерацияса оланпастэчас, Коми Республикаса оланпастэчас, тайө Пöрадок серти.

Торйөн чөжөм (кос) шыбласьяс транспортируйтөмсө да бырөдөмсө могмөдөм могысь потребительяс вермөны кырымавны Дінму операторкөд либө овмөс нуөдысь мукөд субъекткөд, кодьяс збыльмөдоны татшөм уджсө Россия Федерацияса оланпастэчас, Коми Республикаса оланпастэчас, тайө Пöрадок серти, лөсялана услугаяс сетөм вылө сёрнитчөмьяс.

3.2. Коми Республика мутасын ЧКШ чөжөмсө котыртөны ЧКШ торйөн чөжан татшөм системаяс отсөгөн:

3.2.1. ЧКШ чөжан кык компонента система, кор торйөн чөжөм (кос) шыбласьяссө да сораса шыбласьяссө торйөдоны тайө Пöрадоклөн 1.4 пунктөн урчитөм кыввежөртасьяс серти.

ЧКШ чөжан кык компонента системасө котыртигөн торйөн чөжөм (кос) шыбласьяссө бырөдан объект вылө транспортируйттөдз водзвыв колө юклыны өткодь шыблас сикасъяс (группаяс) серти Вөр-ваөн вөдитчан юкөнын дөзьөр нуөдысь федеральной службалөн 2017 во ода-кора төлысь 22 лунся 242 №-а тшөктөдөн вынсьөдөм Шыбласьяслөн федеральной классификационной каталог серти (водзө – ШФКК).

ЧКШ чөжан кык компонента системасө котыртигөн контейнерной площадкасө оборудуйтөны торйөн чөжөм (кос) шыбласьяс вылө лөз, вижовгөрд либө турунвиж рөма өти либө некымын контейнерөн да сораса шыбласьяс вылө руд рөма контейнерьясөн.

Сэк, кор эмөсь ЧКШ чөжан кык компонента система вылө оборудуйтөм контейнерной площадкаяс, уна патераа керкаын өг проводөн вөдитчөны сөмын сораса шыбласьяс вылө. Потребительяс петкөдоны торйөн чөжөм (кос) шыбласьяссө веськыда контейнерной площадка вылө да пуктөны контейнерө либө контейнерьясө, кутшөмьясөс индөма ЧКШ торйөн чөжөм могысь.

3.2.2. ЧКШ чөжан уна компонента система, мый дырйи контейнерной площадка вылын сувтөдомаөсь рөма контейнерьяс, кутшөмьяс лөсялөны ШФКК серти уна сикас шыбласьяслы:

а) лөз рөма контейнерьясө тэчөны торйөн чөжөм (кос) шыбласьяс, кутшөмьясөс ШФКК серти классифицируйтөны кызди бумага да бумагаысь изделияс вөчөмысь шыбласьяс;

б) вижовгөрд (виж) рөма контейнерьясө тэчөны торйөн чөжөм (кос) шыбласьяс, кутшөмьясөс ШФКК серти классифицируйтөны кызди полимерной упаковкаысь да пластмасса прөдукцияысь шыбласьяс, көнө абуюсь галогеньяс;

в) турунвиж рөма контейнерьясө тэчөны торйөн чөжөм (кос) шыбласьяс, кутшөмьясөс ШФКК серти классифицируйтөны кызди стеклөысь да стеклөысь вөчөмторьясысь шыбласьяс;

г) сьөд рөма контейнерьясө тэчөны шыбласьяс, кутшөмьясөс ШФКК серти классифицируйтөны кызди сөян-юан прөдукцияысь шыбласьяс, органической колясъяс;

д) руд рөма контейнерьясө тэчөны сораса шыбласьяс, кутшөмьяс оз пырны тайө пунктлөн «а» - «г» пунктувьясын индөм сикас лыдө.

ЧКШ торйөн чөжан уна компонента система котыртигөн коланлун дырйи позьө вөдитчыны мукөд рөма содтөд контейнерьясөн (шуам, уна рөма стеклө чөжөм, текстиль да мукөдтор чөжөм вылө).

3.2.3. Торйөн чөжөм (кос) шыбласьяс контейнертөг чөжан система, мый дырйи контейнерной площадка вылын сувтөдоны сөмын сораса ЧКШ чөжөм вылө контейнерьяс, а торйөн чөжөм (кос) шыбласьяссө, кутшөмьясөс потребительяс водзвыв юклөмаөсь өткодь шыблас сикасъяс (группаяс) серти, тэчөны уна патераа керкаысын, олан либө овтөм

зданиеясын та вылө торйөн индөм жырьясын, торйөн чөжөм (кос) шыбласьяс примитан торйөн оборудуйтөм стационарнөй да мобильнөй пунктьясын, сы лыдын бесконтактнөй (автоматическөй устройствояс пыр), кызди мынтысьтөг, сідз и мынтысьөмөн.

Олысьяслөн санитарно-эпидемиологическөй бур оланног юкөнын Россия Федерацияса оланпастэчаслысь корөмьяс торкалөмысь өлөдөм могысь торйөн чөжөм (кос) шыбласьяс контейнертөг чөжан система котыртгөн сійөс котыртысь йөзыс, кодьясөс индөма тайө Пөрадоклөн 3.1 пунктын, эз лэдзны няйтчөдны торйөн чөжөм (кос) шыбласьяссө сөян-юан прөдукцияысь шыбласьясөн, биологическөй шыбласьясөн, мортлөн да пемөсьяслөн олөмысь шыбласьясөн да мукөд шыбласөн да эз лэдзны, медым найө сорласисны.

3.3. Торйөн чөжөм (кос) шыбласьяссө нуоны ЧКШ торйөн чөжан иньясысь сораса шыбласьясысь торйөн. Сораса да торйөн чөжөм (кос) шыбласьяссө ёг нуан өти машинаөн нуны оз позь, случайяс кындзи, кор сылөн техническөй характеристикаясысь веськыда урчитөны сораса да торйөн чөжөм (кос) шыбласьяс өтпырйө транспортируйтөмсө.

Контейнернөй площадкаяс вылын торйөн чөжөм (кос) шыбласьяссө сикас серти юклыны оз позь.

Сэк, кор торйөн чөжөм (кос) шыбласьясөн контейнерын, кутшөмөс колө обработайтны, эмөсь сораса шыбласьяс, ЧКШ вөдитчөм серти оператор, кодї транспортируйтө ЧКШ, транспортируйтө татшөм шыбласьяссө сораса шыбласьяскөд өттшөтш ЧКШ меститанінө та йылысь Дінму операторлы татшөм транспортируйтан лунсянь өти уджалан лун чөжөн юөртөмөн.

Торйөн чөжөм (кос) шыбласьяссө найөс чөжан иньясысь позьө нуны налөн чукөрмөм серти санитарнөй нормаяслысь да правилөяслысь корөмьяссө төд вылө босьтөмөн, сы лыдын потребительслөн заявкаяс серти, кутшөмьясөс ыстөны ЧКШ вөдитчөм серти операторлы урчитөм пөрадокын.

**4. Гырысь шыбласьяс, олан да служебнөй жырьяс вочасөн дзоньталөмысь шыбласьяс да производство да потребление мукөд шыблас чөжөм, кытчө пырөны өпаснөй свойствояса (пагөдысь, взрыв вөчны вермысь, пөжар вөчны вермысь, ыджыд реакционнөй верманлуна) лөк веществояс либө көнї эмөсь инфекция висьөм босьтчөдысьяс, либө кутшөмьяс асьныс либө мукөд веществокөд йитчөм бөрын вермасны вөчны гөгөртаслы да мортлөн дзоньвидзалуны  
веськыд либө лоны вермана лөктор**

4.1. Потребительяс чөжөны (тэчөны) гырысь шыбласьяссө (водзө – ГШ) ЧКШ чөжан иньясын (площадкаясын), кутшөмьясөс индөма ЧКШ вөдитчөм серти услугаяс сетөм вылө сөрнитчөмын Мутас схема серти, экология боксянь да санитарнөй нормаясө да правилөясө кутчысьөмөн.

4.2. ЧКШ вөдитчөм серти услугага сетөм ыло сөрнитчөм серти потребительга чөжөны (тэчөны) ГШ татшөм ногьясөн:

а) бункерьясө, кутшөмьясөс меститөма контейнерной площадкаяс ылын;

б) ГШ чөжөм (тэчөм) ыло торья площадкаяс ылын.

4.3. Динму оператор могмөдө ГШ нуөмсө, сы лыдын потребительслөн заяваяс серти, кутшөмьясөс ытисны Динму операторлы урчитөм порадокын, либө потребитель ачыс нуө ГШ найөс чөжан (тэчан) площадка ыло.

ГШ чөжан (тэчан) площадкаяслысь меститаниньяссө индөны Мутас схема да чөжан иньяс (площадкаяс) серти муниципальной юкөнлөн реестр серти да индөны ЧКШ вөдитчөм серти услугага сетөм ыло сөрнитчөмын.

4.4. Колө, медым ГШ вөлины сэтшөмөн, медым наысь эз вөв ЧКШ вөдитчөм серти операторлөн персоналлөн олөмлы да дзоньвидзалунлы грөз, торйөн кө, медым мебель предметьяссө вөли разьөма да веркөс ылас эз вөвны ортсө петөм көрт тувьяс либө болтьяс, а сиджө медым наысь эз вөв ГШ нуысь транспорт средстволөн өтторьялун да техника боксянь туйлун ыло грөз. Транспортируйтөм ыло сетөм ГШ оз позь тыртны мукөд шыблассьясөн.

4.5. Ёг нуан машинаө шыблассьяссө сөвтигөн ГШ чөжан (тэчан) инсө колө пелькөдны найөс сөвтысь мортлы. Сэк, кор ГШ чөжөны бункерьясысь да (либө) торья площадкаясысь бокин, кутшөмьясөс индөма ГШ чөжөм (тэчөм) ыло, сөвтаниндорса мутассө колө пелькөдны шыблассьясысь йөзлы, кодьяс мутас бурмөдигөн могмөдөны лөсялана мутассө.

4.6. ГШ, олан да служебной жырьяс дзоньталөмысь шыблассьяс да производство да потребление мукөд шыблас чөжан (тэчан) иньяссө, кытчө пырөны өпальной свойствояса (пагөдысь, взрыв вөчны вермысь, пөжар вөчны вермысь, ыджыд реакционной верманлуна) лөк веществояс либө көни эмөсь инфекция висьөм босьтчөдысьяс, либө кутшөмьяс асьныс либө мукөд веществокөд йитчөм бөрын вермасны вөчны гөгөртаслы да мортлөн дзоньвидзалунлы веськыд либө лоны вермана лөктор (водзө – ГШ да лоны вермана лөктор вайысь шыблассьяс), могмөдөны бункер сувтөдөм ыло тырмана площадьөн, бетонысь либө асфальтысь ва кутан чорыд веркөсөн, матыстчан туйясөн, кутшөмьяс могмөдөны ёг нуан машинаыслы матыстчыны позянлунсө, периметр кузя бордюрөн дзескөдөмьясөн да куимладорсянь 1 м абу этшаджык джудждаа потшөсөн.

4.7. ГШ да лоны вермана лөктор вайысь шыблассьяссө чөжөны (тэчөны) сөмын бункерьясө, кутшөмьясөс индөма ГШ да лоны вермана лөктор вайысь шыблассьяс чөжөм ыло. ГШ да лоны вермана лөктор вайысь шыблассьяссө оз позь чөжны (тэчны) контейнерьясө, бункерьясө либө дозьясө, кутшөмьясөс индөма ЧКШ чөжөм ыло.

4.8. ГШ да лоны вермана лөктор вайысь шыблассьяссө нуөны найөс чөжан иньясысь ЧКШ-ысь торйөн олысьяслысь санитарно-

эпидемиологическӧй бур оланног юкӧнын оланпастэчаслӧн корӧмьяс серти, но вежоннас 1-ысь оз шочджыка.

ГШ да лоны вермана лектор вайысь шыбласьяс чӧжан (тэчан) иньясын меститӧны бункер нуан график йылысь юӧр, чӧжан (тэчан) иньясысь транспортируйтись организация йылысь тӧдмӧгьяс.

4.9. Бункер мыськӧм да налысь дезинфекция нуӧдан мероприятиеяссӧ, а сідзжӧ ГШ да лоны вермана лектор вайысь шыбласьяс чӧжан (тэчан) торья площадканы дератизация да дезинсекция нуӧдӧм серти мероприятиеяссӧ збыльмӧдӧны олысьяслӧн санитарно-эпидемиологическӧй бур оланног юкӧнын оланпастэчаслӧн корӧмьяс серти. Контейнернӧй площадкаяс вылын бункерьяссӧ мыськыны да налысь дезинфекциясӧ нуӧдны оз позь.

## **5. Электроннӧй оборудование шыбласьяс чӧжӧм**

5.1. Электроннӧй оборудование шыбласьяссӧ чӧжӧны ГОСТ Р 55102-2012. Россия Федерацияса национальнӧй стандарт. Ресурсьяс видзтӧм. Шыбласьясӧн вӧдитчӧм. Уджавны дугдӧм электротехническӧй да электроннӧй оборудование, устройствояс да приборьяс кындзи, кӧні эм ртуть, лектор вӧчтӧг чӧжӧм, видзӧм, транспортируйтӧм да разьӧм серти индӧд серти, мый вынсьӧдӧма Техническӧя ладмӧдӧм да метрология серти федеральнӧй агентстволӧн 2012 во вӧльгым тӧлысь 14 лунся 803-ст №-а тшӧктӧдӧн.

5.2. Потребительяс чӧжӧны электроннӧй оборудование шыбласьяссӧ электроннӧй оборудование чӧжан торья площадкаяс вылын электроннӧй оборудование шыбласьяссӧ тэчӧмӧн.

## **6. ЧКШ вылӧ контейнерьяс дорӧ ӧтувья корӧмьяс**

6.1. ЧКШ чӧжан (сы лыдын торйӧн чӧжан) контейнер – тайӧ ректыны позяна контейнер, кытчӧ торӧ – 0,7–1,2 куб.м, кутшӧмӧс позьӧ ректыны ӕг нуан машина отсӧгӧн. Дінму операторкӧд сӧгласуйтӧмӧн позьӧ вӧдитчыны мукӧд тӧранлуна контейнерьясӧн.

Торйӧн чӧжӧм (кос) шыбласьяс чӧжӧм могысь позьӧ вӧдитчыны тыв сяма контейнерӧн.

6.2. Контейнерьяс бӧрйигӧн колӧ кутчысьны олысьяслӧн санитарно-эпидемиологическӧй бур оланног юкӧнын Россия Федерацияса оланпастэчаслӧн корӧмьясӧ, сы лыдын вӧзйыны босьтны тӧд вылӧ сійӧс, медым:

вӧлісны вевтьяс, кутшӧмьяслӧн конструкцияыс оз сет позянлун аслыныслы воссьыны наӧн вӧдитчигӧн, медым ӧлӧдны контейнерьясысь контейнернӧй площадкаяс вылӧ шыбласьяс веськалӧмысь, инфекцияяс да дук паськалӧмысь, шыбласьяс кӧтӧдӧмысь да найӧс пемӧсьясӧн да лэбачьясӧн кыскалӧмысь, видзны шыбласьяслысь ресурснӧй позянлуньяссӧ;



вөлі могмөдөма контейнерсө петкөдөм вылө көлесаясөн сы вылө, медым ёг нуан техника ректис сійөс;

эз жугласьны механическөя төдчөм, мыськан да дезинфицируйтан средствояслөн, Коми Республикалысь климат условияссьө төд вылө босьтөмөн температураяслөн төдчөм вөсна, эз сотчыны ыджыд пөжар дырйи;

вөлісны ичөт адгезионнөй свойствояс (шыбласьяс кынмөмысь да лемасьөмысь өлөдөм могысь).

6.3. Колө, медым ЧКШ чөжан (сы лыдын торйөн чөжан) контейнерьясыс вөлісны наө пуктан шыблас серти торья рөмаось да сэні вөлі ЧКШ сикасьяс йылысь, кутшөмьясөс колө чөжны лөсялана контейнерын, юөртан табличкаясөн юөр.

6.4. Контейнернөй площадка вылө контейнерьяслысь лыдсө, мыйта колө ЧКШ чөжөм (сы лыдын торйөн чөжөм) вылө, да налысь төранлунсө индөны уна патераа керкаясын да олан керкаясын олысьяслөн либө сад вөдитан, град выв пуктас вөдитан, абу коммерческөй дачнөй өтувьяслөн, ас оланін стрөитан да гараж стрөитан кооперативьяслөн мутасьясын потребительяслөн лыд вылө, кодьяслысь ЧКШ чөжөм вылө индөма тайө контейнерьяссьө, да ЧКШ чөжөм серти урчитөм нормативьяссьө төд вылө босьтөмөн.

Контейнерьяслысь лыдсө да төранлунсө позьө вежны уна патераа керкаын олан жырьяс кыын кутысьяслөн либө уна патераа керкаөн веськөдлысь мортлөн либө сад вөдитан, град выв пуктас вөдитан, абу коммерческөй дачнөй өтувьяс, ас оланін стрөитан да гараж стрөитан кооперативьяс кутысьяслөн заявление серти, та кадө сораса ЧКШ вылө контейнерьяслысь лыдсө да төранлунсө чинтөны сөмын сэк, кор татшөм йөзыс чөжөны ЧКШ торйөн.

6.5. Контейнерьяслысь лыдсө, мыйта колө юридическөй кывкутысьяслысь да ашшөр уджалысьяслысь ЧКШ чөжөм (сы лыдын найөс торйөн чөжөм) вылө, индөны ЧКШ чөжөм серти урчитөм нормативьяссьө төд вылө босьтөмөн да ЧКШ вөдитчөм серти услугаяс сетөм йылысь сёрнитчөмлөн условияс серти.

6.6. Контейнернөй площадка вылын ЧКШ торйөн чөжөмсө котыртігөн сораса ЧКШ чөжны колана контейнерьяслысь медэтша лыдсө индөны тайө Пөрадоклөн 6.4 да 6.5 пунктьяс серти да торйөн чөжөм (кос) шыбласьяслысь лыдсө төд вылө босьтөмөн, мыйта көсийөны ыстыны обработайтөм либө бырөдөм вылө. Контейнерьяслысь медэтша лыдсө арталігөн позьө босьтны төд вылө ЧКШ збыльвывса йөрышсө, мыйта нуөма лөсялана контейнернөй площадкакысь сэні ЧКШ торйөн чөжөмсө котыртөм водзын мунысь 12 төлысь чөжөн.

Контейнернөй площадкаясын ЧКШ чөжан (сы лыдын торйөн чөжан) контейнерьяслысь да ГШ чөжан бункерьяслысь медуна лыдсө индөны олысьяслөн санитарно-эпидемиологическөй бур оланног юкөнын Россия Федерацияса оланпастэчас серти.

6.7. Колö, медым вöдитчигöн контейнерьясыс вöліны пöдсаöсь, туянаöсь. ЧКШ оз позь босьтны контейнерьясыс ЧКШ вöдитчöм серти операторкöд сöгласуйттöг. Сы могысь, медым эз вöв позьянлун мыйкö мында босьтны торйöн чöжан ЧКШ, торйöн чöжöм (кос) шыбласьяс вылö контейнерьяссö вöзйöны оборудуйтны томаньясöн либö найöс игналысь устройствоясöн.

6.8. ЧКШ чöжан (сы лыдын найöс торйöн чöжан) контейнерьясö оз позь тэчны сотчысь, доналöм либö пöсь шыбласьяс, ГШ, лым да йи, кизьöр веществояс, биологическöй да химическöй активнöй шыбласьяс, югзьöдан приборьяс да электрическöй лампаяс, кöні эм ртуть, батареяяс да аккумуляторьяс, медицинскöй да биологическöй шыбласьяс, а сідзжö мукöд шыблас, кутшöмьяс вермасны вöчны лёктор контейнерьяссö сöвтысь (ректысь) йöзлөн олöмлы да дзоньвидзалунлы, жугöдны контейнерьяссö, ёг нуан машинаяссö либö торкны ЧКШ обработайтан, бырöдан, лёк вöчöмысь дугöдан, меститан объектьяслысь уджалан режимсö.

6.9. Контейнерсö позьö тыртны ЧКШ сöмын сы выйöдз, медым эз вевтырт контейнерлөн вылыс дорыс. Контейнерын оз позь личкыны либö топöдны ЧКШ сідзи, мый бöрын ЧКШ нуысь транспорт средствоö сöвтигöн оз ло позьянлун кисьтны сэтысь шыбласьяссö.

Контейнерьяссö да бункерьяссö чукйöн тыртны оз позь.

6.10. Оз позь тэчны ЧКШ контейнернöй площадкалөн веркöсын контейнерьясыс, бункерьясыс бокын, кутшöмьясöс лöсьöдöма найöс чöжöм могысь, а сідзжö сукöд орчча мутасын, тыртны ЧКШ вылö контейнерьяссö да бункерьяссö йöзлөн шыбласьясöн, кодьясöс абу индöма ЧКШ вöдитчöм серти услугаяс сетöм вылö сёрнитчöмын, либö шыбласьясöн, кутшöмьясöс тэчöм вылö татшöм контейнерьясöн вöдитчыны оз позь.

## **7. Контейнернöй да торья площадкаяс дорö öтувья корöмьяс**

7.1. Коми Республика мутасын контейнернöй площадкаяссö лöсьöдöны Чорыд коммунальнöй шыбласьяс чöжан иньяс (площадкаяс) лöсьöдан да на серти реестр нуöдан правилöяс серти, кутшöмьясöс вынсьöдöма Россия Федерацияса Вescькöдлан котырлөн 2018 во моз тöлысь 31 лунся 1039 №-а шуöмөн (водзö – ЧКШ чöжан иньяс (площадкаяс) лöсьöдан правилöяс).

Колö, медым Коми Республика мутасын меститчысь контейнернöй площадкаяслы лöсялісны олысьяслөн санитарно-эпидемиологическöй бур оланног юкöнын Россия Федерацияса оланпастэчаслөн корöмьяслы.

7.2. Мутас схема серти олан пунктьяслөн мутасын колö лöсьöдны ЧКШ чöжöм вылö контейнернöй площадкаяс либö контейнерьяс лэптöм вылö автоматическöй подъёмникьясöн ЧКШ му пытшкын чöжан системаяс да (либö) ГШ чöжöм вылö торья площадкаяс.

Контейнерөн вөдитчытөг сораса шыбласьяссө (сикас серти абу юклөм ЧКШ) позьö нуны сикт овмөдчөминьяслөн мутасьясысь либө кар овмөдчөминьясын этша судтаа стрөйба мутасьясысь.

### 7.3. Контейнерной площадка лөсьөдөмө пырö:

а) бетонысь либө асфальтысь ва кутан чорыд веркөс ветланінлань пөкатөн, кыті бура вермас визувтны лым да ортсө лэдзан ва, кыті бура позьö петкөдны контейнерьяссө ёг нуан машина дорö да мый сетö позянлун сьöкыда ветлысь йөзлы матыстчыны контейнерьяс дорö;

б) куимладорсянь сувтөдөм потшөс, кутшөмөс вөчөма öти сикас (профнастил, сетка да мукөдтор) либө сораса материалысь (профнастил/сетка), мый öлөдö контейнерной площадкысь бокö шыбласьяс разалөмысь.

Контейнерной площадкасö позьö дзескөдны периметр серти бордюрөн да веж пуктасьясөн (кустьясөн) да сылөн вермас лоны вевт лым-зэрысь да лэбачьясысь контейнерьяссө видзөм могысь.

7.4. Колö, медым контейнерной площадкалөн вöлі чорыд веркөса матыстчан туй.

Колö, медым контейнерной площадка дорö матыстчан туйыс вöлі позяна 4 метр джудждаа да 3,5 метр пасьтаа да шогмана сы вылö, медым ЧКШ нуысь транспорт средствоясыс, кутшөмьяслөн позяна сьöктаыс 30 тонна, вермисны кокныда мунны да вөчны манөврьяс, сы лыдын олан зонаясті да керка йөрьясын бөрвыс мунны позянлунтөг.

Матыстчан туйсö колö тырвийö югзьөдны да пыр кутны шогманаөн транспорт средствояс ветлөдлөм вылö.

Колö, медым шыбласьяс транспортируйтөгөн матыстчан туйыс вöлі осьса.

7.5. Контейнерной да (либө) торья площадкыяссө колö лөсьөдны уна патераа олан керкаяссиянь, ас олан керкаяссиянь, челядьлы ворсан да спорт площадкыяссиянь, зданиеяссиянь да челядьöс да том йөзöс быдтан-велөдан да велөдан, найöс шойччөдан да налысь дзоньвидзалун бурмөдан организацияслөн ворсан, гуляйтан да спорт площадкыяссиянь да олысьяслөн шойччаніньяссиянь 20 метрысь абу этшаджык, но 100 метрысь абу унджык ылнаын; карса олан пунктьясын медицина организацияслөн мутасьясөдз – 25 метрысь абу этшаджык, сиктса олан пунктьясын – 15 метрысь абу этшаджык ылнаын.

Сэк, кор ЧКШ чөжөны торйөн, контейнерной да (либө) торья площадкыяссө колö лөсьөдны уна патераа олан керкаяссиянь, ас олан керкаяссиянь, челядьлы ворсан да спорт площадкыяссиянь, зданиеяссиянь да челядьöс да том йөзöс быдтан-велөдан да велөдан, найöс шойччөдан да налысь дзоньвидзалун бурмөдан организацияслөн ворсан, гуляйтан да спорт площадкыяссиянь да олысьяслөн шойччаніньяссиянь 8 метрысь абу этшаджык, но 100 метрысь абу унджык ылнаын; карса олан пунктьясын медицина организацияслөн мутасьясөдз – 10 метрысь абу этшаджык, сиктса олан пунктьясын – 15 метрысь абу этшаджык ылнаын.

Сэк, кор абу позянлуныс кутчысьны тайö пунктын индöм ылнаясö, Коми Республикаын юралысь канму санитарной врач му участок кыин кутысьлөн шыödчöм серти примитö контейнерной да (либö) торья площадкаясьянь нормируйтан объектясöдз ылна вежöм йылысь помшуöм, но 25% абу унджык вылö, санитарно-эпидемиологической донъялöм подув вылын да сэк, кор татшöм площадкаясын шыбласьяс чукöртанінъяс весьтсö оборудуйтöма лэбувьясөн (бункерьяс кындзи).

Контейнерной площадкаяссö оз позь лöсьöдны транспорт средствояслөн ветланінын.

7.6. ЧКШ да ГШ нуигөн сöстöмлунсö кутöм да колана санитарной серпас могмöдöм могысь Дінму оператор пелькөдö ЧКШ да ГШ сөвтанінъяссö (сөвтігөн усьöм (киссьöм) ЧКШ да ГШ чукöртöмөн да ёг нуан машинаö найöс пуктöмөн).

7.7. Контейнерной площадкаяс видзöм вöсна кывкутысь йöзлы быть колö пелькөдны контейнерной площадкаяссö, вöчны налысь дезинсекция да дератизация, весавны найöс лымйысь да йиысь, контейнерьясысь бокö пуктöм шыбласьясысь.

7.8. Сэк, кор му участокыс, кöні меститчö контейнерной площадкаыс да (либö) торья площадкаыс, пырö овмöс нуöдысь субъектлөн эмбурö, татшöм контейнерной да (либö) торья площадка лöсьöдöм вöсна, сійöс колана ногөн видзöмысь, ЧКШ чöжöм вылö контейнерьяс да ГШ чöжöм вылö бункерьяс ньöбöм вöсна кывкутöны овмöс нуöдысь тайö субъектъясса чина йöз, мукöдторсö кö абу урчитöма Россия Федерацияса оланпастэчасөн.

## **8. ЧКШ чöжан (сы лыдын найöс торйөн чöжан) пöрадок торкалöмысь кывкутöм**

Йöз, кодьяс чöжöны ЧКШ (сы лыдын чöжöны найöс торйөн) экология боксянь да санитарно-эпидемиологической корöмьяс торкалöмөн, кывкутöны Россия Федерацияса оланпастэчас серти.».